

Transkription von Testament KOL 1495b

Ort, Datierung: Kolberg, 1495-01-01

Signatur: Landesarchiv Greifswald, Rep. 38b U, Kolberg, 185

Inhalt: Drewes Nemmerin: Testament

In gades namen amen Jn den jaren vnser heren ihesu (Christo) dusent vêrhun/derth vnde jndeme
fu(n)fundenegentigsten jare jn der besnydinghe vnser / heren ihesu (Christo) auende Jck drewes
nemmerin borgher to colberghe in / myner wanÿnghe jn der landebande strate by hans wandelmanne
/ van der gnade gades vulmechtich vnde reddelyk myner sÿnne vnde / vornu(n)fft dat jk nicht werde
zêen to steruende sunder testament So / hebbe jck mynen lesten wÿllen vnde testament(um) ghe dan
vnde settet / jn der wÿse hÿr na schreuen dat jk stede vnde vast holden wil vnde / wÿl ydt nv(m)mer
wedder ropen jn dat erste So hebbe jck ghe kre/ghen mÿt myner werdÿnnen tilleken druddehalf
hundert mark / bruthscattes vnde dar tho ere ju(n)cvrowen Spanghen jtem So hebbe jk / ghe kreghe
van erues haluen van myner werdÿnnen weghe hundred / marck van erer gro(o)th moder suster
teÿgen kâiuen drê mÿsschingessche / scetele teÿgen grapende vnde achte tÿn schottelen jtem So geue
jk to / der hauene ene tu(n)ne bers jtem to weghe vnde tho Steghe ene tu(n)ne / bers jtem geue jk
j pu(n)t wasses tho deme lichte dat dar hanghet to sunte / jacob in der kerken vor dem(e) hoghen
altare jtem twê punt wasses tho / dem(e) groten lichten dat dar brenth vor dem(e) kore jn vnser leuen
vro/wen kerken jtem j punt wasses to der Staage jtem wes ick dar bauende / hebbe beÿde bowechlik
vnde vnbowechlik dat geue jk myner werdÿnnen / Tijlleken dat schal ze aff uth zÿchten schult vnde
vnschult jtem So hebbe jck / ydt in den hilghen vor richtet dat jck van mynen vrunden nêen^{*} erf gudt
ghe borete / hebben men mÿn gro(o)th vader gaff mÿ teÿgen marck vor eÿne gÿfft jtem don / jck dÿt
testament(um) dede don was jck myner ledematen vnde knaken dat jk / konde gan wor ydt mÿ eÿene
was jtem dÿt vorscreuene testament to vormechsten(de) vnde keze jk vnde sette de vorsichtÿgen
ma(n)nen hans Stêen radtma(n)n vnde / lucas albrechte borg(er) thu(ghe) zint auer weset de
erszame(n)n ma(n)ne hans Stêen vn(de) / hÿntze vōsz ratma(n)ne(n) to colbergh van dem(e)
Erwardighe(n) rade to colbergh Dar / to gesant vn(de) beden vnde lucas albrecht vn(de) gorges
marquardt tho tughe desser vorscreuene(n) dink